

EXERCITATIO
IVRIS CIVILIS
DE
LEGATIS
POENAE NOMINE


QVAM
CONSENSV
ILLVSTRIS ICTORVM ORDINIS
PRAESIDE

D. IOANNE GOTFRIDO SAMMET

AD DIEM I. AVGVSTI MDCCXLVIII.
PLACIDO ERVDITORVM EXAMINI
SVBMITTET
IOANNES MARTINVS CASPARVS CRVSIVS
MARTISEVVGENSIS.

LIPSIAE
LITERIS STOPFFELIANIS.





Iam eo iure utimur, ut ne actionem, *de eo quod iussu*, Triboniano si conveniatur denegemus. Magis tamen esset, eundem quod ad obedientiam interdum non habuisse aliquid superpondii et *ὑπερμέτρη*: solet etiam quod extremum est in obsequii gloria, non raro in vitium deflectere. Et huic vnice gratias habeamus, ideo, quod praeter mille alia sciamus iuxta cum ignarissimis, quid antiquitas per ea quae poenae nomine relinquebantur vere intellexerit: adeo eiusmodi legata posteritati poenae nomine relicta esse videntur. Eruditorum igitur Senatus et ex his ventosiores, qui studiorum *ἀκμήν* quaerunt, diu sudarunt, ut antiquitatem ideo ex-

piscarentur. Idem ausi sunt et illi, qui heroum iecinore sapiunt, et tamen quilibet ex omnibus, vt *SENECA de Benefic. Libr. II. cap. 26.* ait, *benignus est sui iudex, ob insitum mortalitati vitium, se suaque mirandi*: blandior et ipse ego mihi, cum intra humanitatem simul a natura constitutus sim. Sed si fatear, me hucusque ignorare quid vere fuerit legatum tale de quo disputabimus, dico quod res est: sin contra sensum veri et falsi id testari possem, natales tamen originemque legatorum poenae nomine relictorum nescio penitus, fortium nemo vnus, qui ante nos vixerunt, rem determinauit ex salute Iurisprudenciae, vitio vel voluntatis, vel defectu virium, sed hoc magis placet, id agamus igitur: sed in tantum ne verbum aliis furripiamus. Caeterum si me sententiam roges Domiti Labeo, scilicet cui haec vsui? scias ita olim censuisse *Christsfr. WAECHTLERVM Διασπ. de V. I. E. edit. Trotz. p. 389: Si fastidimus Basilica et Codicem Theodosianum*, addo ego, *πολιτείαν* et Romanarum legum *χρονίαξιν*, Theophilum, Glossaria tam profana quam νομικά, et omnes litteras, quae quaestui non seruiunt, quis nobis locum vllum in sacris relinquet?

Ἀσύνετος ἔσται ταῦτα.

CAPVT I.



Paterfamilias uti legasset, ita ius esto. Quidni ergo etiam hereditatibus vel legatis, dandis, adimendis, transferendis, clausulas poenales adiciere potuerint testatores, quorum *ἐπιθήσεις ἐν ταῖς διαθήκαις*, ut eleganter THEOPHILVS a) et in specie de militum voluntate. vltima pronunciat, *ὡς νόμοι κρατῶσιν*? Est haec *ἐκφώνησις*. *Corn. van BYNKERSHOEK* b), et iure suo non destituitur, id enim obtinere potuit, et obtinuit ut videbimus: sed arbitrium hoc testatorum interpretatione coangustatum est, vel legum, vel auctoritate iura constituentium: originem igitur inuestigemus. At quis hanc rectius perscripserit quam *Theophilus*, qui antiquorum ICtorum fragmenta quotquot Iustiniani tempore adhuc exstabant integriora inspicere potuit? Ille vero *cit. loc.* ait *Multos testatores ab heredibus suis fieri iussisse quaedam, et, ut implerentur, MODVM quendam VIOLENTVM*, *ἑκαστον τρέπον* (non *ἑκαστὸν τρέπον*, ut *Curtius Lugd. 1610. 12.* exhibet) *illis praescripssse, a quo coerciti fuissent*: heredes vero deinde eiusmodi voluntates sine poena contempsisse. Innuere his videtur, implendas, imo potius impletas, fuisse ab initio eiusmodi voluntates, institutos vero *ἔτα*, et *brevi post, lapsu temporis*, easdem neglexisse et quidem *ἀζημίως sine poena, sine iactura*, quod sane facere non potuissent, si defunctorum testationes *legis modo* per omnia diutius gubernassent: Certum enim est, vltimis voluntatibus non per saltum, sed paulatim uti aliis legibus, additum fuisse, aliquid vel detractum. At nunquam mihi placuit illorum sententia, qui latissimam illam po-

a) Theophilus ad I. cap. de Leg. §. vlt.

b) van Bynkershoek *Opusc. de Leg. poen. nom. reliq.* Cap. III pag. 370.

testatem, quae verbis legum XII Tabul. *vti legasit* patribus familias tributa erat, eo vsque extensam fuisse somniant, vt arbitrium et testantis voluntas *imperatiua* indistincte et vi quadam obtinuerit: vox populi maior esto voce priuati. Quid si leges populi in lege sua vetuerit etc? hoc ius nunquam fuisse existimo, cum quilibet de his quae salua populi maiestate imperari possunt et maiorum legum virtute cogitasse praesumatur, et POMPONIVS c) eiusmodi legata odio scribentis pro *non scriptis* habenda esse pronunciat: At si testator legem dixerit eo sub modo, vt ne heres exequatur quod sibi *ante testamentum certo* proposuit; an talis voluntas valuerit? Valuit omnino et ita ius videtur fuisse aliquamdiu vt vidimus. At quae causa fuerit vt heredes eiusmodi voluntates deinde impune negligere potuerint? attende. Theophilus *cit. loc.* testis est id ideo factum, quoniam testatores heredibus *violentum agendi modum* praescripserint. Hic vero qualis fuerit *βίαιος* ille *τέρας* heredibus adiectus, nec Theophilus nec vllus alius enucleare voluit. Mihi sedet igitur intelligi *causam finalem a testatore adscriptam*, vt heres contra intentionem suam, de qua *vel* ante testamentum, *vel* testamenti facti, *vel* mortis tempore testatori constitit, aliquid et contrarium facere cogatur. Sane eiusmodi *βίαιος τέρας* actus moratior, postquam libertati plura data sunt quam antea, susque deque habenda esse censuit, cum per illos in simili fere auctore PAPINIANO d) *ius libertatis infringatur*. Quid vero ad haec testatores, cum viderent leges suas permittente sic iure et ratione impune ab heredibus iam contemni? Pergit Theophilus *cit. loc.* διὰ τὸ τοῦ εὐσεβεῖος οἱ ἀνδρες οὐκ ἐπενέησαν χρηματικὴν ποινὴν δι' ἧς (male *Fabrotius* ἧς *δίδει* exhibet, nullo vtique sensu) ἡναγιάζετο ὁ κληρονόμος πράττειν τι καὶ ΠΑΡΑ ΣΚΟΠΟΝ:

Quod

c) Pomponius *cop. LIV et LV. π. de Leg. I*

d) Papinianus *cop. LXXI. π. de Cond.*

Quod cum vidissent testatores excogitauerunt praeter supradicta poenam pecuniariam, cuius vi coactiua coercebatur heres facere aliquid et quidem contra animi sententiam et suam intentionem. En legatum poenae nomine! inuenta lege inuenta fraus. Obseruauerant scilicet testatores, secure et cum effectu heredes, modo violento adscripto, prouocare ad legum auxilium et iura libertatis: alia igitur via excogitanda erat, vt et vltimis voluntatibus stricte satisficeret, et leges, virtute sua deiectae et elusae, illis iam auxiliatrices manus denegarent, quibus antea porrectae erant, et his porrigerent, quibus denegatae erant antea. Permissum enim quidem sic etiamnum erat heredibus, vt eiusmodi violentos agendi modos praeterirent, at impune id amplius non faciebant, metu enim *ῥηματοῦς πειρῆς*, in casum a testatore adiectae et praestandae si voluntati ipsius contrauenirent, coercebantur, simplicitas vero legum, quae tunc, vt vel CICERO e) de suo tempore profiteretur, postae erant ante oculos neque ita multis litteris et voluminibus magnis continebantur, fraudi occurrere nesciebat, cum adiecta legatis poena nec libertatem agendi propter electionem heredibus adimeret, nec rationem iam et iura turbare, imo potius ad voluntatem defuncti certa licet duriori lege inuitare existimaretur. Elucet vero ex his quae diximus: olim valido iure hereditatibus et legatis, dandis, adimendis, transferendis, fideicommissis etiam et libertatibus, imo forsitan aliis etiam testatorum dispositionibus, poenales adiectas fuisse clausulas. Si enim eiusmodi voluntates nunquam obtinuissent; plus quam stultum fuisset interpretatione et constitutionibus abrogasse, quod non erat. Priuatim ponit habitum, et quod valuit abrogari potuit et abrogatum est recte, non quidem vna vice, sed pluribus et consecutue vt *cap. seq.* demonstrabimus. Et haec de origine et iure antiquissimo legatorum poenae nomine quorum

e) Cicero dialog. de Orat. Lib. I. c. 42

quorum vis et effectus *ad Tiberium usque valide* propagatus esse videtur dicta sunt: nec dubito quin suffecerint.

CAPVT II.

Licuit igitur testatoribus ita *vouere* ^{deum}, at eousque donec *Masuri rubrica* notauit aliquid. Testis enim est IVSTINIANVS *f)* Sabinum existimasse *primum*, clausulam poenalem *excoꝛs* adijci non posse: sed cum *de herede* locutus sit, per se patet, eundem hanc prohibitionem ultra heredis dationem non extendisse. Caue aliter sentias: latissima enim legatorum potestas iam tum coangustata erat et distinctos ab aliis voluntatibus acceperat terminos, sed si dubites nihilominus, CAIUS *g)* rem conficiat. Ex eo vero, quod Sabinus hic existimasse dicitur, male *Franc. HOTTOMANN* *h)* et alii coniiciunt, diuersae scholae auctores contrariae fuisse opinionis, sed dicam illis iam scripsit *Corn. van BYNKERSHOEK* *i)*: posito enim Proculo non statim ponitur Sabinus vel contra, esse quidem id potest, sed potest et non esse, quod si sit, testimoniis opus est, non coniecturis quae, ut ille ait, muscae pede nituntur, alias infinitae darentur dissensiones, si in hoc abundare liceret ingenio. Eo igitur iure quod ante Diuum Pium obtinuit cohaeres solus poenae nomine adijci non potuit: *Primus* vero *Antoninus Pius* teste *CAPITOLINO* *k)* constituit, *ne poenae causa legatum maneret, an valeret?* ut eruditi quidam volunt, sed *Is. CASAVBONUS* *l)* et *Corn. van BYNKERSHOEK* *m)* recte tuentur receptam lectionem et vtraque perinde est: nisi forte, quod opinabar, *maneret* altioris sit indaginis, sed

f) Iustinianus *I. cap. de Leg. §. ult.*

g) Caius *cap. XCVL. n. de Leg. III.*

h) Hottomann. *ad I. cit. loc.*

i) van Bynkershoek *cit. loc. Cap. VII. inf.*

k) Capitolinus in *Pio cap. VIII.*

l) Casaubonus *ad Capitolinum in Pio cit. loc.*

m) van Bynkershoek *cit. loc. cap. I. ab init.*

sed cum titulus *de his quae ut indignis auferuntur* taceat, id iam non virgeo. Cognoscimus iam Constitutionem Antonini Pii ad legata etiam et denique *per interpretationem prudentum* ad alios etiam quosunque modos, sub quibus poenae nomine relinqui poterat, extensam videri: Sabini prohibitio κατὰ τι obtinebat, Pii Constitutio subsequente interpretatione καὶ ὅλως. Sic vero tricisquas Viri docti hic mouent non indigemus, nec conciliatione *Corn. van BYNKERSHOEK n)*, qui male censuit nec olim inter omnes constituisse satis *vel hodie satis constare*, quod concedo, *quae fuerint legata poenae nomine*. Frustra sunt, qui quicquid de prohibitione nostrorum legatorum profertur de iure Pandectis vetustiore *indistincte* capiunt, id enim generaliter non obtinuit, ut vidimus, sed in solo herede. Errant etiam, qui Ictorum sententias in Pandectis offendi arbitrantur quae eiusmodi legata agnoscant. Quod ad verba *IUSTINIANI o)*, dum poenae nomine *inutiliter antea* legatum esse fatetur, vacula *antea* cum van Bynkershoekio auctoritate *Glossae* omnino de iure Pandectarum, at minime cum citatis ab eodem *cit. loc.* de iure quod ante Diuum Pium obtinebat exaudienda est: distinctione opus erat, alias horum sententia fallit et vera est. Destituimur quidem praeter Sabini textum etiam Constitutione *D. Pii*, rescripto *DD. Seueri et Antonini*; quod *MARCIANVS p)* adducit, et *quamplurimis*, illis quorum Iustinianus meminit, *principalibus Constitutionibus*; sed contenti simus bona illorum fide et his fragmentis quibus uti licet, et possumus, adiuvante interea *χρὸνιάζει*, quae remedium familiare est aliis deficientibus optimum maximum. Cur veteres et Imperator legatorum ubique fere meminit solum in promptu caussa est: quia scilicet longe antea Sabinus eiusmodi clausulam in coherede damnauerat. Aliam *Corn. van BYNKERS-*

HOEK

n) Idem *ibid.*o) Iustinianus *I. cit. loc.*p) Marcianus *cap. II. π. de his quae poen. nom.*

HOER q) suppeditat, quia nempe in legatis eiusmodi clausulae poenales magis frequentarentur, quae displicere sane nequit; sed rem proxime attingere non videtur. Quicquid tamen horum omnium sit; certo est certius, iure Pandectarum omnem poenae nomine legandi modum improbatum fuisse et ne vnam quidem ICt. inueniri sententiam quae tale quid agnouisse videatur. IUSTINIANVS r) tandem *edictali lege*, quicquid antea obtinebat, sustulit radicitus, et restituta veteri illa iuris observatione, quae ante Sabinum publice tolerabatur, constituit: *licere testanti pro implenda sua voluntate vel pecunias dari praecipere, vel aliam pecuniariam poenam inferre quibus voluerit*, tam in adimendis hereditatibus vel legatis vel fideicommissis vel libertatibus; quam in praecipiendo ad alias personas eas transferri ab eo cui relicta ab initio sunt; vel aliquid aliis ab eo dari, si minus dispositionibus suis heres vel legatarius paruerit, adeo ut legata poenae nomine nihil a caeteris legatis differre voluerit: *exceptis videlicet iis, quae impossibilia sunt, vel legibus interdicta, aut alias probrosa, tunc enim sine ullo damno, etiam neglecto testatoris praecepto, seruabitur quod relictum fuerit*. Ex his perspicue videmus, Iustinianum iuris noui male se auctorem nuncupare, cum eadem Iurisprudentia olim penitus obtinuerit, nec poterat aliter: et, quod probauimus, a XII Tab. tempore vsque ad Sabinum prohibitionem specialem, coheredis adiectione: et, ad Antoninum Pium vsque, legati datione heredem coercere plenissimo iure indultum fuerit testatoribus. Nec moueor quod obiici posset, Imperatorem saltem in eo laude sua non esse fraudandum, quod primus certe fuisse videtur, qui iusserit illa etiam quae Codicillis, ut *rubrum Codicis h. t.* indicat, poenae nomine scripta sint vi gaudere plenissima; nam et id olim effectum non destituebatur suo. Dupondii non ignorant,

q) van Bynkershoek *cir. loc. cap. II. in f.*

r) Iustinianus *vis. Cod. de his quae poen. nom.*

rant, ex relatione IUSTINIANI s) codicillorum vsum auctoritate Trebatii ab Augusto primum ex facto L. Lentuli approbatum fuisse et receptum: cumque Sabinus, qui, teste POM-
 PONIO t), a Tiberio impetrauit, vt publice sibi de iure respon-
 dere liceret, *primus existimasse dicatur*, heredem solum poenae
 nomine adiici non posse; sequitur, ante Sabinum introducto
 codicillorum vfu et sub Augusto, vti alia vltima voluntate ita
 et omnino codicillis, poenae causa valide scribere non fuisse
 prohibitum. Iustinianus igitur, vt gloriatur, et hic forte Au-
 gustum superauit.

CAPVT III.

Poenae nomine ex nostra sententia legare videtur, *qui eo sub
 modo relinquit, vt heres contra intentionem suam, de qua, vel
 ante testamentum, vel testamenti facti, vel mortis tempore, te-
 statori constitit, aliquid et contrarium proposito suo faciat vel
 non faciat, adiecta in casum contrauentionis poena pecuniaria
 alteri praestanda.* Possset et ita definiri, et quidem ratione il-
 lius a quo legatur, quod sit *legatum sub modo testamenti adiecto,*
vi cuius, si voluntatis suae decretum ad mentem testatoris mu-
tare nolit, institutus certam pecuniae summam alteri soluere iu-
betur: ratione vero illius cui legatur esset, *donatio quaedam a*
defuncto relicta eo casu praestanda ab herede, si voluntatis suae
decretum ad mentem testatoris subsequentem mutare detrectet:
 sed prima designatio magis placet cum omnes casus contineat,
 et odium scribentis apertius eo ipso exponatur. Dicimus, le-
 gatum poenae nomine esse legatum *sub modo* relictum: Modus
 cum nihil sit aliud, quam *caussa finalis* propter quam, eaque
 cum vel affirmatiue vel negatiue concipiatur recte, et nullo ca-
 su legatum suspendat, sed cautione oblata statim peti possit ex
 sententia SCAEVOLOE v), nisi ad ipsum duntaxat legatarium,

B 2

monen-

s) Idem l. cap. de Codicillis.

t) Pomponius cap. II. §. 47. n. de O. L.

v) Scaeuola cap. LXXX. n. de Cond. r.

monente PAPINIANO x), emolumentum legati redeat; per se patet nos de eiusmodi modis non loqui qui permittuntur, sed de his, qui ideo prohibentur, quia ius libertatis *naturaliter* infringunt, quales omnino sunt quos *Imperator* et *VLPIANVS* y) adduxerat: et eiusmodi *θέματα* *Theophilus* *ἐκείνους* *τέρονες* appellabat. Adiecimus igitur, sub eo modo, *ut heres contra intentionem suam de qua vel ante testamentum, vel testamenti facti, vel mortis tempore testatori constitit, aliquid et contrarium proposito suo faciat vel non faciat*: significaturi eo ipso, nobis neque de legatis vere impossibilibus, vel illicitis, vel probrosis sermonem esse, huiusmodi enim testamentorum dispositiones valere Romanorum *Iurisprudentia* nulla perpessa est tempore: aliam et *κυρίαν αἰτίαν* cur ita distinguamus dabimus sequenti capite. Sane si omnia legata quae numero impossibilium censentur, quorum tamen nubem excitat *Corn. van BYNKERSHOEK* z), nomine poenae causâ legatorum veniissent aliquando; necesse est, ante Sabinum penitus, ante Pium Antoninum pro parte, legata illicita et probrosa, modo his clausula poenalis adiecta fuerit, pleno valuisse iure, imo approbata fuisse et laudata pro concione, quod nollem, sed si nugandum est, nugandum est strenue. Fragmenta vero veterum, si de nostris legatis quaestio incidat, non patiuntur testatorem *coercere* id est *κόλυσεν* vt *Glossaria* explicant, et *prohibere* vel *compefcere* vti illud *CLERICVS* a) explicat, et ius agendi quod heres *ante* testamentum iam habuit infringere. Vult enim testator, vt heres iam *magis μάλλον*, et aliud, et contrarium suo proposito et libertati faciat: cogit institutum vt aliquid faciat *παρά σκοπόν* *contra propositum semel conceptum et animi sui sententiam*, quae *Theophili* verba *Christfr. WAECHTLER* b) ad mentem testat-

x) Papinianus *cop. LXXI. pr. x. eod.*

y) *Vlpianus Fragm. tit. XXV. §. 17.*

z) *van Bynkershoek cit. loc. cap. IV.*

a) *Collat. LL. Mosais. et Rom. Tit. I. n. 3.*

b) *Waechtler ad van Bynkersb. cit. opusc. edit. Trox. p. 756.*

testatoris referenda esse censet, sed tum, cum Theophilum legeret, Waechtlerus non erat: testator statuit, ne heres, ut iterum Theophilus, τῇ γνώμῃ σὺ, nempe testatoris ἐναντιωθῇ: legat, sed legati datio λυπεῖ καὶ ζημιοῖ offendit et *detrimentum dat* heredi: quicquid denique testans agit, agit τιμωρίας χάριν quasi delictum vel crimen commiserit institutus, quod hoc aut illud sibi agendum proposuerit: iudicis ergo personam in his omnibus testator quasi induit. Nemo non videt improbam esse et brutam voluntatem quae alteri non permittit, nisi sub poena, quod ipsi sine poena publica permissum est facere, sed eius proposito fraudi est et terminum quasi constituit ne exequatur quod ante testamentum constituit, et licebat iure optimo maximo. Prohibet igitur heredem violento vinculo *poena pecuniaria in casum contrauentionis*, si propositum primum nihilominus exequatur, *alteri praestanda*. Fit eo ipso, ut neque heres, neque legatarius honoretur, ut nec neuter ἀνάμνησιν ἔχῃ τῆ τελευτήσαντος. Heres enim, si propositum mutare nolit, damnum patitur et pars hereditatis maxima, cum vero sit simile testatorem, ut finem suum obtineat, tale quid ex regula statuturum, aufertur: sicque nec ipse honoratur, sed punitur a testatore: nec legatarius, quippe qui voluntate aut noluntate heredis quid lucratus est, non testatoris: neuter etiam certe non prior ἀνάμνησιν habebit. Sin propositum mutet institutus, suafit id forsitan rei familiaris inopia et curta supellex, rursus nec ipse honoratur a testatore, cum se ipsum honorasse videatur: nec legatarius, quippe qui doleat cum nil acceperit; neuter etiam, certe non posterior, precabitur, *molliter ossa cubent*: in testatore vero utroque casu pellucet nihilominus odium contra heredem conceptum. Si igitur id, quod iam definiuimus, vere fuerit legatum poenae nomine relictum: causa praesto est cur prohibitum fuerit. Theophilus duos ideo λογισμὸς attulit: prior est, quia lex improbet legatum τὸ ἐν γνώμῃ ἀποκείμενον τῇ

κληρονόμῳ, et illud quidem quod positum est in voluntate heredis, haussit hanc rationem ex VLPIANO c) qui legatum in aliena voluntate poni potest, ait, in heredis non potest: effectus est, quia in herede esset ἐποφλήσας καὶ μὴ ἐποφλήσας. Ei μὲν γὰρ πληρώσει τὰ ὑπὸ τῷ τελευτήσαντος εἰρημένα, ἔδὲν καταβάλλει· εἰ δὲ ἐναντιωθῇ ἐνοχος τῷ λεγαταρίῳ γενήσεται. Nollem hic post Iam. Iac. WISSENBACHIVM d) Corn. van BYNKERSHOEK e) etiam, quem et male praecedentem sequitur Christfr. Waechtler cit. loc. hanc rationem Theophilo indignam pronunciaissent: sed nititur Corneliana sententia τῷ πρώτῳ ψεύδω, ut cap. seq. demonstrabimus: at rectius hunc λογισμὸν Franc. HOTTOMANN f) V. C. Gotfr. MASCOV g) et medius argutos inter olores Mattheus WESENBECIUS h), imo et alii probauerunt. Posterior Theophili ratio, quae nemini displicuit hactenus, haec est: quod legata dari oporteat ἐννοίᾳ καὶ φιλίᾳ τῇ περὶ τὸν λεγατάριον, ἢ μίσει τῷ κληρονόμῳ, ex bona intentione et amore erga legatarium non odio heredis. Vtrumque equidem λογισμὸν non sperno, sed cum prior instituto scriptus sit, posterior testatori, scire velim an in genere alius afferri possit et illis quidem melior. Et melior ratio non succurrit, nisi quam PAPINIANVS i) excogitavit, licet ibi de iure libertatis civilis loquatur, et notum est ingenuis olim nequidem licuisse se ipsos addicere in servitutem, scilicet, quod tale legatum iura libertatis naturaliter infringat; est hic gravissimus omnium λογισμὸς, nihil enim multum a specie servientium differunt, quibus facultas non datur recedendi, addo ego, et exequendi, inquit VENVLEIUS k), cuius sententiam satis commode in hunc locum perduxerat Belgarum, quotquot fuerunt, acutissimus l).

CAPVT

- c) Vlpianus cap. XLIII. §. 2. de Legat. I. d) Wissenbach. ad π. b. l.
 e) van Bykershoek cit. loc. Cap. IV. pag. 374. f) Hottomann ad l. b. 2.
 g) Mascoy Orat. de usu et praesantia Hist. Augg. in l. cin. pag. 10.
 h) Wesenbecius ad π. b. l. i) Papinianus cap. LXXI. §. 2. π. de Condit.
 k) Saturninus cap. II. π. de hom. lib. exhib. l) van Bykershoek cit. loc. C. VI. in f.

CAPVT IV.

Magnam iam pugnam pugnabimus, et, nisi depugnemus, vereor ne de nostro corio ludatur. Urget enim *Corn. van BYNKERSHOEK* *m*) et quidem sequentibus: *annon omnis conditio quam potestatiuam dicunt iubet aliquid facere, vel non, priusquam heres vel legatarius legato potiatur? annon ea iussio libertatem heredum coerces? nihil igitur intererit inter conditionem et poenam? omnes ergo conditiones potestatiuae habeantur pro non scriptis? offendunt me exempla, quae tanquam clausulas poenales suppeditant* *IUSTINIANVS* *n*) *et* *VLPIANVS* *o*), *vt qui sciam, his ipsis conditionibus hereditates et legata dari, adimi, transferri, atque adeo iis vt sine fraude esse; bona verba! Fingamus, heredem meum, de cuius intentione mihi vel ante testamentum iam constitit, vel testamenti facti, vel mortis tempore quod et perinde est, certo sibi proposuisse, filiam suam in matrimonium Titio collocare, vel ex diuerso non collocare: seruum Stichum manumittere, vel ex diuerso non manumittere; Quid si ego deinde ipsum heredem scribam ex asse, sub modo tamen ipsius proposito, quod voluntatem meam antecesserat, contrario? scilicet, cum manumittere constituerit Stichum seruum siue probum siue nequam, ita: Caius heres esto ex asse, vt ne tamen Stichum manumittat; et si manumiserit, dodrantem Seio dato: sicque ex diuersis casibus et similibus argumentis. Finge contra ea, heredem meum nihil horum omnium antequam testarer sibi certo proposuisse: quid si ego iam scribam, iisdem nihilominus sub modis? Caius heres meus esto in asse, ita tamen vt collocet vel non collocet, alienet vel non alienet, manumittat vel non manumittat etc. et si in horum aliquo secus faciat quam praescripseram, dodrantem Seio dato; Quaero iam, vtraque haec *diuota* an conditionalia legata putes? et in omnibus*

m) Idem *ibidem* Cap. III. pag. 364. et in *praef.*

n) *Iustinianus* *l. h. l.*

o) *Vlpianus* *Fragm. Tit. XXIV. §. 17.*

bus sibi similia? an potius a se inuicem in omnibus fere diuersa? Et hoc magis placet, scilicet vt *prius* legatum solummodo poenae nomine relictum contineat: vt perinde habeatur ac si legatum non esset: imo vt cautio etiam hic remittatur; *posteriorius* vero conditionaliter vnice datum et potestatiuum, vbi nec fatisdatio, nec Muciana cautio remittitur, et quod iure valet plenissimo, id quod me PAPINIANVS p), imo potius et bel-
lissime, quem locum miror neglexisse in rem suam mystam sagacissimum, IAVOLENVS q) edocuit. Accipio vt vides citatas formulas *vel* pro conditione, *vel* pro poena, at cum velis, paulo accuratius explicem, unde conditionem, unde poenam liceat colligere; audi MARCIANVM r): *poenam*, inquit, *a conditione* voluntas testatoris *separat*, *et an poena, an conditio, an translatio sit*, ex voluntate defuncti apparet. Idque Diui Severus et Antoninus rescripserunt: probat quod dixit et VLPIANVS s). Excanduit ad Marciani fragmentum Corn. van BYNKERSHOEK t), vagum igitur illud pronunciat, *et ex tripode potius Apollinis quam ex Schola ICTorum*, addere debebat et rescriptis Principum ne soli ICTi vapulent, *profectum dixeris*, inquit, *cum nihil certi definiat, et quidquid eius rei est ex voluntate defuncti arces- sendum arbitretur Marcianus*: satis libere, plane vt Labeo noster in Senatus lectione libertatem suae sententiae aduersus ipsum Augustum magno animo defendebat, hoc superdicto, *suum quemque iudicium habere oportet*: at sic non oportebat, vt et hic ICTum et Diuos Principes stipites pronunciemus et fungos. Vrget tamen rectius, *se scire velle ex qua voluntate defuncti? et quemadmodum haec explicanda sit vt vel poenam vel conditionem legato adiectam putemus?* Ecce igitur *καὶ ἡ δὲ πρῶ- σιν*, quam late hucusque ex Theophilo, ex Glossis gr. lat. ex Iuris

p) Papinianus cap. LXXI. §. 1. et cap. CL. π. de Condit.

q) Iauolenus cap. LXVII. π. cod.

r) Marcianus cap. II. π. de his quae poen. nom. s) Vlpianus cap. XIX. π. de Cond.

t) van Bynkershoek cit. loc. Cap. III. p. 3. 262.

Iuris rationibus, ex casibus in hanc rem adductis suppeditauimus! scilicet vt si testator voluntatem suam heredis voluntati et proposito, quod sibi hic *ante testamentum factum* certo praefixit, opponat, et heredi forte vel aliis declarauerit iam, se heredis libertati naturali contrarium quid sub poena praescripturum et executionem prohibitorium esse, quas minas et testato executus est; vt inquam *legatum poenae nomine habeas*, cum voluntas haec testatoris adeo probari possit, et in hunc effectum, qui prohibeat et coerceat ex odio: sin vero incertam voluntatem heredis in futurum determinet, adiecta conditione poenali, quasi *certa lege* libertatem heredis *ad testamentum*, vt PAPINIANVS v) in simili casu distinguit, *inuict inclinetque*; vt tum vnice *legatum conditionale* habeas: verbum non amplius addo, dixi, quod satis videtur in rem meam, dixit et Belgarum optimus in rem suam, mox decernite quibus ius suffragii est.

CAPVT V.

Defendimus hactenus nostra, inuestigemus iam et veterum **D**ICTORUM, quique post Coraëlium aliter censuerunt, sententias. AFRICANVS x) cuius fragmentum ex LIBRO QUAECTIONUM, quinto scilicet vt argute coniicit Abr. WIELING y), in Digesta transtulit Tribonianus, ita scripsisse dicitur: *Filiosfamilias vel seruo herede instituto, etiamsi in patris dominiue poenam illicite vel probrose datum est, nullius momenti legatum esse respondit: non enim id solum, quod in heredis; sed omne, quod in cuiusque, lucrum aliquod ex vltima voluntate sentientis, talem poenam in testamento scriptum sit, nullius momenti habendum.* Primus Eguin BARO z) animaduertisse fertur, Tribonianum in hac lege Africani induisse personam: censet et ita *Recentiorum* cohors,

v) Papinianus cap. LXXI. §. 1. in f. π. de Conditi.

x) Africanus cap. I. π. de his quae poen. nom.

y) Wieling, Iprud restit. pag. LXXII. not. (c).

z) Baro ad l. cap. de Leg. §. ult.

cohors, quam in hanc rem descripsit *Corn. van BYNKERSHOEK a)*, ego quoque non dissentio, et in tantum, ut voculam *talem* etiam eiurem, quam iam ipse *Haloander* eadem forte ex ratione eraserat. Probo utique, quod acerrimus *emblematum* Censor alias dixit et suo loco: at agnosco etiam, latere interdum Tribonianum, et si latuit saepiuscule, excusetur nihilominus: sane hic mandato sui Principis ἐν αὐτοφώγῳ deprehenditur. Negat id equidem *Cornelius* ut suae scilicet sententiae patrocinetur: ego tantum non nego solum, sed supra τὸ ἀδύνατον praestisse videor, et quid si robustum satis sit argumentum popularis mei *Christfr. WAECHTLER b)*? Vidit sane *Theophilus*, τὸ, illicite vel probrose, in *Africani Quaestionibus*, qui potuit igitur omittere natam cum *Sexto Caecilio* rationem et substituere alias? reliqua *Africani* non moror, cum nos nequidem illa morentur. Transeo ad *VLPIANVM c)*, ait ille: *Poenae causa legatur, quod coercendi haeredis causa relinquitur, ut faciat quidem aut non faciat*, scilicet contrarium quid suae voluntati et aliud ex voluntate testatoris; *non ut legatum*, scilicet si aliud illud et contrarium suae voluntati ex voluntate defuncti fecerit et elegerit malum minus, *pertineat*, scilicet ad legatarium. Minus recte se habere credebantur illa, *non ut legatum pertineat*, Codicum igitur lectiones variantes et suas in salutem *ICti* coniecturas cumulavit *van BYNKERSHOEK d)*, quarum tamen una peior est altera, cum sensum turbent magis quam ut extricent. *Christfr. WAECHTLER e)* pro *pertineat* exculpisse videtur *pertineat*; sensu tamen non minus incommodo. Ego aliquando *pereat*, quod iam alii, vel *permaneat*, sed et hoc reiicio: ineptum est utrumque ad hanc quaestionem. Quid si vero tibi modestissima crisi non *Vlpianum* solum reddam? sed et insuper *definitionem verissimae naturae* eo ipso enucleem?

et

a) van Bynkershoek cit. loc. Cap. IV. pag. 378.

b) Waechter cit. loc. pag. 757.

c) Vlpianus *Fragm. Tit. XXIV. §. 17.*

d) van Bynkershoek cit. loc. Cap. III. pag. 301. e) Waechter cit. loc. p. 756.

et quam ipsis meis quas supra proposui *anteferre* iam non dubitem? Ita igitur lego et interpungo: *Poenae causa legatur, quod coercendi* (prohibendi) *heredis causa relinquitur*, (eo sub modo) *ut faciat quidem aut non faciat*; (scilicet contrarium suo proposito licet testatoris voluntatem antecesserit, et aliud ex defuncti decreto); *non vero ut legatum PERTINEAT*, vel sic statim *PURTINEAT* id est *pure retineat*, scilicet, *etiam non impleto modo* et voluntate licet stulta testatoris: conice melius in lectione desperatissima. Et iam penitus inspicio interiora utriusque λόγισμῶ, quos supra ex *Theophilo* excerpseram: hoc obiter. Nostrium iam esset, ut et recentiorum de legatis nostris sententias excuteremus; sed memento *Praetermissa* promitti, occupavit hanc Spartam *van Bynkershoek* et exhaustit cum pulvisculo. Proximus vero qui *Cornelium* excepit *Nic. Hieron. GUNDLING* f), quem pluribus ideo locis *Ioan. Theoph. HEINECCIUS* g) et alii laudarunt, ita putat, *ea legata omnia poenalia fuisse vocata, quae contra heredis inclinationem eidem fuisse imposita, quaeque non tam honorem quam dolorem, quid? quod ignominiam apud sapientiores ei adferebant: cum interea testatorum sit beneficium impertiri heredi, simulatque honorare legatarios etc.* Si Gundlingius heredis illam inclinationem, et tempus, quando contra illam legatur, imo saltem illa, quae partim bene partim male *cumulavit*, liquido determinasset; superfedissem forte ego hoc labore: Iam cum observem, *Hieronymum* Nostrium obuia saltem in rem suam vertisse ex *Theophilo*: nec tamen rationem suppeditasse, quomodo igitur obiectionibus, quas *Cap. IV.* propositas concussimus, et quae eius sententiam vel maxime premunt, occurratur commodissime; velim quicquid scripsit pro non scripto habeas. Frustra etiam est, quod verba *HORATII* h),

C 2

Heredes

f) Gundling *cit. diff.* §. 33. g) Heineccius in *Antiquit.* ad π. ad I. suis locis, et alibi.
h) Horatius *Libr. II. Sat. 3. v. 84.*

*Heredes Staberi summam incidere sepulcro:
Ni sic fecissent, gladiatorum dare centum
Damnati populo paria, atque epulum arbitrio Arri,
Frumenti tantum quantum metit Africa etc.*

ad quae Anton. DELRIO i) iam ante ipsum in hunc sensum
prouocauerat, in suam rem verterit, et pro certo habeat, ante
Antonini Fii aetatem neminem dissensisse aut disputasse an haec
testatio valeret, siue praeue siue recte: hoc volebat Staberus! Dii
immortales! siccine igitur ante Antoninum Pium condiciones
derisoriae vel difficiles, qualis Horatiana illa est utique, laudatae
fuerint pro concione? veruex sit qui sibi talia persuaderi patia-
tur. Duriuscula ergo nimis sunt etiam quae van Bynkershoek
profudit: Imperatorem et ipsos veteres Ictos, cum de his lega-
tis sermo incidere, non esse locutos ore rotundo, sed dubitabundo
fere et incerto, cum tamen et sic soleant alias: frustra volunta-
tes testatorum, quae poenas, Marciano teste, dirimunt a condi-
tionibus, ex idea probrofi et illiciti diiudicat: frustra est, quod
exempla clausularum poenalium quae Veteres exhibent aliena a
scopo pronunciet: quod Tribonianus et Vlpianus καὶ ὅλας de-
creuerit, quod non obtinuisset nisi κατὰ τὴν: pessime vero omnium
arguit, Iustinianum conscripsisse quod iam iure Pandectarum, vitio
scilicet emblematis, obtinuerit: et nollem duriores sententiam
exemplo Balduini, et alio insuper quod sequitur argumento *)

defen-

i) Delrio Miscell. ad I. cap. de Leg. §. ult.

*) Electio vox generalis locutione populari et usu optionem cap. 1. de opt. leg.
cap. 5. de leg. I. et legatum generis cap. 12. de opt. leg. cap. 12. de adim. legat. imo et al-
ternationem comprehendebat cap. 19. de opt. leg. ad quod Reinb. BACHOVIVS ad
Trecul. II. 14. §. a. Alit si arrem intueamur, certum omnino est, electionem a lega-
to generis cap. 2. pr. et §. 1. de opt. leg. separari: reliqua hunc in modum conicio,
et si meliora habes effice, ut veritati herbarum porrigam. Optio 1) erat actus legiti-
mus, cap. 77. de R. I. fiebat verbis pactis, optato, ELIGITO, Vlpianus Tir. XXIV.
§. 14. testibus praesentibus, cap. 20. de opt. leg. et nisi testator, ut in cretione, expres-
serit Praetore ad optandum decernente diem, cap. 6. et §. eodem etc: Legata electio-
nis et generis non erant actus legitimi. Per optionem 2) legari vnice poterant res
in familia relictas cap. 2. §. 1. et cap. 10. eod. hinc idem in hoc legato voluit THEO-

defensum iuisset Myſta ſagaciſſimus, ſed quique ſuos patimur manes. Dicam ex animi ſententia, ſi vllibi et vnquam alias,

C 3

certe

PHILVS I. §. 23. de Leg. In legatis electionis et generis etiam res legatarum quae fideicommiti poterant, ſi ſcilicet ſuo modo relinquerentur: ſin per vindicationem ius ſtriſtum molleſcebat SC. Neroniano. Hinc 3) optio per damnationem legari non poteſtat, ſeu vix ad Virgil. Aeneid. V. 531: Legata electionis et generis, vt iam dixi, poterant. In optione 4) optimum eligi poterat, cap. 2. de opt. leg. cap. 9. §. 1. de doſo malo; item et in electione per vindicationem data, cap. 2. de opt. leg. Generis vero legato optimum eligere non licebat e. g. actorem, c. 37. de Leg. I. Aſt ſi electio vel genus per damnationem legaretur, dari non debebat peſſimus, cap. 110. de leg. I. et praefatur quem habere liceat, cap. 45. §. 1. de Leg. I. cap. 129. §. 3. de Leg. III: ſi duo ſic legentur, ſatis erat dediffe exiguiorem. Optari 5) non poterat ante aditam hereditatem, cap. 10. de opt. leg. quoniam familia prius ab herede exhibenda erat, cap. 2. §. 6. ad exhib. cap. 80. §. 2. de ſurr. cap. 3. et 4. de opt. leg. Hinc etiam ad L. Pap. Popp. Lib. III c. 7. p. 420: Legatarum electionis et generis cedebant a morte teſtatoris. Optio 6) conditionem habuit et olim non tranſmittebatur, niſi legatarius viuus optauerit, §. 23. I. de Leg: Secus erat in legatis electionis et generis, quocumque modo datis, etc. Caeterum certum eſt vtrique, quod electioni 1) expreſſe inſit conditio, veluti hominem eligito, accipito, vel heres meus dato, eligito: (Forſitan et lacunae vltimi Fragm. Tir. XXIV. §. 14. hinc ſuppleri poſſunt, dubito vtrique an de genere, et ſi de hoc, cur non etiam de alternatione? locutus ſit, imo vix eſt, vt variantibus Cuiacii credam. Conſilio ita: OPTIONE LEGATI PER VINDICATIONEM DATA, LEGATARI ELECTIO EST, VELVT: HOMINEM OPTATO, ELIGITO. IDEMQUE EST, electione data, velut: eligito, accipito HOMINEM. At ſi ita: HERES QUEM VELIT DAMNAS ESTO HOMINEM DARE, HEREDIS ELECTIO EST QUEM VELIT DARE.) Generi vero tacite t. 99. de C. et D. Titio do, lego hominem, vel heres meus damnas iſto, dare hominem. Rurſus vero certum genus praecipue 2) per electionem, cap. 37. §. 1. de Leg. I: aſt incertum indiſtincte legari potuiſſe videtur, cap. 25. §. 17. famil. erciſc. Supra, numero quarto, tertiam differentiam inter electionem et genus ſupeditauimus: ſed vix eſt, vt de his omnibus ſecure decernatur. Dubium tamen nunquam habuit, vt, ſi nullas aedes reliquerit teſtator, magis deriſorium ſit quam vtile legatum, cap. 71. de leg. I. fundi enim vel aedium legatum ſine demonſtratione nullum eſt: nec obſtat, quod ſeruo generaliter legato vtile ſit quod datum eſt, cap. 13. et 45. §. 1. de leg. I: obtinuit enim, certam ſerui, rei mancipi, eſſe demonſtrationem et finitionem, addo taxationem et pretium; nihil horum in illis, nunc mancipi, nunc nec mancipi rebus, deprehenditur, cap. 69. §. 4. de iur. dor. ibique Baſilica, et cap. 24. §. 3. de Leg. I. vt pote cum aedes, fundus etc. noſtra deſtinatione augeri poſſint vel minui in inhiutum, incertiſſima igitur ex his taxatione. Tranſeo ad Corn. van BYNKERSHOEK Diarr. de leg. poen. nom. cap. IV. §. 7 pag. 380; cenſet vero, Tribonianum §. 23. I. de Leg. nou recte intellexiſſe conditionem quae legato optionis olim inerat, adductis ergo in rem ſuam auctoritatibus quincere voluit Belgarum aquila, conditionem hanc potius fuiſſe, vt vno optato reliquorum optio extingatur, ſed in hoc ſere iam praecuerat

certe in hoc Opusculo de legatis poenae nomine relictis sui omnino dissimilis mihi factus esse videtur *Corn. van Bynkershoek*: detrahe πάρεργα quae robustiora sunt paululum, et demum decide, quantum ex ἔργω supererit. Haec haecenus et quidem

Deo.

Iac. Cuiacius Obs. Libr. XXIII. cap. 14. imo, quod amplius superdicit, optionis legatum olim etiam fuisse transmissum, idque nouo colore ex narratione §. 23. *I. de leg.* elicitur: 'bona verba! Auctoritates a Cornelio adductae nil probant, certo enim est certius cap. 19. de opt. leg. et cap. 75. §. penult. de leg. 1. releganda esse ad legatum alternationis, uti cap. 76. de V. O. quo plane abutitur, ad stipulationem disiunctiuam. Rursus, uti cap. 3. qui ex a quib. finem optionis, scilicet, et uno optato reliqui liberentur, ante oculos habuit; ita frustra ex effectu noua conditio euocatur, rectius utique ad speciem cit. cap. sapuit *Comp. RITTERSVIVS ad I. cit. loc.* Denique color posterior statim euanesceat, si auctore *Theophilo* consideres, veteres non dissensisse, an optio ad heredes transeat; imo potius, si duobus vel pluribus optio relicta fuisset, et vnus Stichum alter Pamphilum optaret, sicque dissentirent in optione, an legati petito inpendenti esset donec consensissent, an dissensu eorum extingueretur, et haec sententia magis olim, teste *Theophilo*, obtinuit, recte utique, dissidentes enim, licet fortuna optionis iudex commendata fuisset, optare non videbantur. Et quid si concedamus, veteres dissensisse in ipsis adeo heredibus? sic vero res redigenda esset vel ad cap. 25. §. 17. fam. ercisc. vel ad aliam commodam speciem, neutquam ad legatum optionis, nisi forte improba confusione antiquitatem ex *Const. vlt. C. comm. de leg. componi* posse arbitreris, quod ἀτοπος. Paucis adhuc te volo: ait *Pomponius cap. 8. §. 2. de opt. leg.* Vnius hominis ex pluribus mihi et tibi optio data est: cum ego optassem, si non mutassem voluntatem, deinde tu eundem optaveris, utriusque nostrum futurum futurum. Quod si ante optionem decessissem, non futurum communem. Quaero cur ita? quia non videor consentire, qui sentire non possum. Humanum autem eris, superdicit *Pomponius*, et in hoc casu, quasi semel electione facta; ecce colorem contra ius strictum, quod neutrum ibi casum admittebat, fiat communis. Concludo iam: Ergo ante humanam *Pomponii* sententiam optio transire non potuit ad heredes: si non transiit; recte etiam *Tribonianus*, et eo magis considerate *Theophilus*, naturam optionis ex sensu veterum inspexerat, vid. *Edm. MERILLIUS Obs. II. 8. et VIII. 14.* *Ianus a COSTA ad I. §. 23. de Leg.* Reliqua dixit hilarioris possessionis et famae *ICtus*, Illustr. *Georg. Chr. GEBAVER diff. de opt. vel elect. leg. Götting. MDCCXLVIII.* Illud vouco immortalis operi et manibus feliciter illi obstrictantibus, simul tamen et moneo, quod *Heur. Brenckmanno* fecit *Petr. de LVDWIG in Triboniano §. 325. in f.* quin etiam his amplius, nomine veritatis et securitatis eruditae, supplico, ne *Gebauerus* Noster id efficiat et horum neutrum, quod pag. 16. linea vicesima occasione cap. 13. §. 1. de opt. leg. in qua recte error, rectius tamen tempus legitur, felices et error actione entis expertus aduersus venditorem tempus consequatur etc. minabatur: *Donus Caesaris a suspitione etiam vacua sit oportet.*

Deperit. Pluribus *Belga* Noster *Cap. VIII. pag. 405.* vsum practicum ex Constitutione Codicis persequitur; hoc tamen superdicto, *sed non est huius loci cum Pragmaticis disputare, et vindicare Ius Romanum ab eorum impuris saepe et illotis manibus, an satis honeste? an decore? id vero decernant quorum interest.*

S. D. G.

COROLLARIA.

I.

Oriigo et differentia rerum mancipi et nec mancipi, quæ sine raro Ius Romanum recte hætenus explicatur, repetenda est ab antiquissimis Romanae Reipublicæ institutis, ut scilicet res apud censores subsignandæ, et in sua tribu censendæ mancipi dictæ fuerint, reliquæ e. g. paulo post vestigiales nec mancipi. Res certa est ex Cicerone *pro Flacco cap. XXXII.* quem sæpius quidem excitatum, nunquam tamen satis inspectum elabi passi sunt Viri alias acutissimi: *Secundum* argumentum suppeditat insigne fragmentum *cap. 203. π. de V. S. iunctum cap. 16. §. 2. π. de Velligal.* ubi distinctionis rationem non penetravit *Iac. Cuiacius Obs. Libr. XIV. cap. 13. Vltimum* præstare possunt *Glossaria gr. lat. v. mancipatum, etc.* Sententias ergo *Cuiacii, Charondæ, Cocceii* et *Schwartzii diff. de Iure Italico*, qui res mancipi et manu *possili occupatas* pro iisdem habuere, *van Bynkershoekij, Conradi, etc.* non moramur. *Wernberi* spec. progr. et *Meermannii* diatribam nondum vidi: adde *Rossmanni* et nostri popularis *Hommelii* eruditæ in hanc rem meditationes: forte breui plura.

II.

Proprietarium consentiente usufructuario, fundo usufructuario servitutem non damnosam imponere posse, dubium non habuit: Sicque non video, eum tantum hætenus de salute IC. *cap. XV. in f. et cap. XVI. π. de Vfigr.* desperavimus. Ipsum *Stemæ* quod regulæ *Vlpianæ*

neae Paulus subiunxit, vix alium sensum suadeat. Ratio vero huius regulæ vnice in *praesumpta testatoris voluntate* et huius consuetudine, de mancipatione, cessione etc. iam nihil dicam, quaeratur. Cacterum omnium interpretum, eoque ipso et *Abr. Wielingii, Petr. de Touilleu* et *Iob. Wolberi* errores et nubeculas, solide disiecit *Vir Illustris. Iob. God. Bauer. spec. diss. Lips. 1736.*

III.

Seruitus altius tollendi est, *ius mihi competens euehendi aedificium, vel contignationem imponendi alienis aedibus.* Post *Glossas* id coniecit *Arn. Alex. Pagenstecher Sicil. Manip. III. p. 70.* an solide probauerit, nondum decreui. Robustiora tamen et inuicta argumenta offendi in *cap. XXIV. π. de S. P. V.* et in nobilissimo fragmento *cap. XV. π. de N. O. N.* ex quibus dubia *Heineccii Instit. §. 405.* ratione necessaria conculcerem. Reliquorum de natura huius seruitutis sententias secure praeternauiamus.

IV.

Vnicus ille casus *§. II. Instit. de act.* omnino apud Africanum fugituo *cap. XV. π. de N. O. N.* quaerendus est, nam vel ipsa verba *Africani, et bastenus,* idem grammaticae praestant quod *Iustiniani verba, vno casu.* Primus illud coniecit *Ant. Contius. subces. Lect. Lib. I. cap. I.* sed et non viderat: utique nec ipse nec *Cuiacius fugitium* indicauit, nec ad propriam *seruitutum* materiam reuocauit, neuter commodè explicat. Reliquorum fere omnium, (addo ego *Sigm. Reich. Iauchii special. diatr. Dresd. 1703.*) sententias excursu quodam collegit *Eu. Otto. ad Instit. cit. loc.* Qui ex *integris titulis π.* casum quaerunt, frustra esse monet *Theophili vox, ἐν ἐνὶ μόνῳ*
δέμεται.

